



Inatsisartunut ilaasortaq Karl Lyberth, Siumut
MAANI

Aalisakkanik pisassiissutit pillugit § 37 naapertorlugu Naalakkersuisunut apeqqut nr. 2012-082-imut akissut

26. mar 2012
Sagsnr. 2012-063620
Dok. Nr. 865077

Postboks 269
3900 Nuuk
Tlf. (+299) 34 50 00
Fax (+299) 34 63 55

E-mail: apnn@nanoq.gl www.nanoq.gl

Inatsisartut suleriaaseqarneranni § 37, imm. 1 naapertorlugu umiatsiaararsortup aalisakkanik pisassiissutiniq pissarsisinnaaneranut tunngatillugu apeqquteqarputit.

Apeqqut:

Umiatsiaararsortoq aalisariutitaaruni, taava angallatip angissusianut naleqquttumik pisassanik tunineqarsinnaava? Soorlu saarullittassat qalerallittassallu eqqarsaatigalugit?

Akissut:

Ilisimatitsissutigissavara, Nunatsinni angallatinut angisuunut aalisagartassiissutit Upernavimmi, Uummannami Qeqertarsuullu tunuani sinerissamut qanittumi qalerallinniarartunut tunniunneqartarmata. Nunap immikkoortuini pingasuusuni taakkunani pisassiissuteqartarneq qalerallinniarartunut atuuppoq.

Nunap immikkoortortaani pingasuusuni taakkunani umiatsiaararsortoq qalerallinniararluni angallammut angisuumut akuersissummik pissarserusukkuni, pisassiissutiniq pisiaqarsinnaaguni taamaallaat akuerineqarsinnaavoq. Taamaattoqassappat soorunami aalisartut allat aalisagartassaminnik tunisaqarusuppata tamanna pisinnaavoq.

Aalisartuq angallanni anginerusoq nutaaq atorlugu ajornaquteqanngitsumik saarullinniarinnaavoq, tassa angallammiit taassuminnga saarullinniarissamut akuersissummik peqaruni. Aalisartuq assersuutigalugu 2012-imi aalisarnissamut akuersissummik tunineqarsinnaavoq, 2011-mi assingusumik akuersissummik pissarsisimaguni taamalu akuersissut atorsimaguniuk.

Qeqertarsuup tunuata kujataani sinerissamut qanittumi qalerallinniarnermi saarullinniarnermilu pisassiissutit nungukkaangata sinneruttut paggatassiissutigineqartarput. Tassa aalisartut Qeqertarsuup tunuata kujataani najugaqartut qalerallittassanik aalisakkanilluunniit allanik pisassinneqarneq ajorput.

Taamaammatt Maniitsumi aalisartut angallammik anginerusumik pisinissaannut taamalu aalisakkanik aalisarnissamut akuersissummik tunineqarnissamut killilersorneqanngillat.

Inussiarnersumik inuulluaqqusillunga

Ane Hansen